

Hues a subi castigo

Castigo 18 luna di prison pa MC Oz cu a abusa di mucha di 14 año

ORANJESTAD (AAN): Manera DIARIO a publica, ayera mainta e conocido MC Oz, di inicial J., a presenta den Corte pa scucha su sentencia. Hues a hay'e culpable y a conden'e mas pisa cu e exigencia di Fiscal.

A ABUSA DI MUCHA:

Den sala di Corte tabatin basta hende presente pa scucha e sentencia. Hues a bisa cu J. ta worde acusa di actonan immoral cu un mucha muher di 14 año. Hues ta haya legalmente proba cu D.J. di 31 año a abusa di e mucha.

Hues a bisa cu J. a conoce e mucha den un bar caminda e tabata trahando. El a bay busca e mucha y a hib'e na un apartamento caminda el a tene relacion sexual cun'e.

Ley pa proteha mucha:

Hues a mustra cu e ley a worde traha pa proteha muchanan menor di edad contra actonan immoral y

abuso sexual. Esaki pasobra e muchanan no ta completo desaroya y no ta pensa bon kico nan ta haci.

No kere sospechoso: Hues a sigui bisa cu e sospechoso J. a bisa cu e mucha parce mas bieu. Hues a rechaza esaki. Na opinion di Hues, J. mester a sospecha cu e mucha ta menor edad.

Hues a mustra cu riba Whatsapp e mucha a bisa J. cu su mama no ta dun'e permiso pa sali. El a bisa cu e mester ta 100 porciento sigur cu su mama ta drumi, pa e por "sneak out".

Abortus: Hues a cuestiona e hecho cu J. a bay tene relacion sexual cu e mucha, sin usa condom. Hues a bisa cu esaki por tabatin consecuencia cu J. por a pega e mucha cu malesa. Ta asina cu e mucha mester a haci abortus.

Aviso pa otronan: Hues ta haya cu mester manda un aviso bon cla pa otronan cu nan mester pensa bon

promer cu haci algo asina. Mester check si e persona ta adulto of mucha.

Na opinion di Hues, e no ta kere cu J. tin e mania pa tene relacion cu menor di edad. E ta kere cu MC Oz a

siña su les.

CASTIGO:

Pa cu e castigo, Hues a mustra cu Fiscal a exige 18 luna di prison di cual 6 luna ta condicional. Hues a bisa cu e no ta haya cu mester

duna e parti condicional. El a desvia di e exigencia di Fiscal y a condena J. na 18 luna di prison completo. Esaki ta haci e castigo mas pisa ainda.